

На хвалитех стихиры на 4, глас 2: Подобен: Егда от древа:

1. Стих: Хвалите Его на силах Его,/ хвалите Его по множеству величества Его.

Приидите, всепразднственное, свѣтлое,/ славное Воскресение, вси торжествовавши,/ паки празднуем светло торжество Георгия мученика/ и венчаем сего вѣсненными цветы,/ суца непобедима;/ яко да того мольбами приѣмем// скорбей купно и прегрешений избавление.

2. Стих: Хвалите Его во гласе трубнем,/ хвалите Его во псалтири и гуслех.

Всего принесл еси себе,/ тебе Давшему, всеблаженне, жизнь всецѣлую,/ яко всеплодие живо и одушевлено/ и жертву благоприятну и пречисту./ Темже был еси молитвенник теплейший,/ бури изымая вся,/ верою поющия тя, мучениче// и призывающия тя, Георгие.

3. Стих: Хвалите Его в тимпане и лице,/ хвалите Его во струнах и органе.

Семя возделав прилежно,/ всеянное Слова в чистой твоѣй души,/ сие умножил еси болезнями страдания/ и, премудро положен в Небесных житницах,/ нетленное обрел еси наслаждение./ Егже ныне насыщая ся, блаженне,/ твоими к Богу молитвами,// верою поющия тя спасай.

4. Стих: Хвалите Его в кимвалех доброгласных, хвалите Его в кимвалех восклицаня./ Всякое дыхание да хвалит Господа.

Мучениче страстносче Христов, / сущия в напастех нуждных спаси,/ мольбами твоими от всякаго обстояния избавляя/ и отгоня душегубную лютую печаль,/ благодати же и милости нам проси,/ яко да молитвами твоими спасшеся,/ радуящеся, почитаем вси // честныя подвиги твоя, Георгие.

Слава, глас 2:

Да помавают праведная, рече Соломон,/ человеком вѣжди:/ помилуется бо от Христа Бѳга/ видяй правая, предглаголаше./ Удобръ же сїя внушив,/ о многотерпелїве Георгїе,/ Владычним учением послѣдовал еси/ и, беззаконным отдав себе, претерпел еси,/ прелести требы оплевал еси, яко мѣрзски;/ тело бо твое дав за любовь Создателя,/ все на ўды ссещи./ И велиар паче весь, постыдевся, уязвляшеса,/ венценосца ты зря совершенна./ Темже во дворех живый Господа твоего с Вышними силами,/ моли, страсотѣрпче Христов, // спастися душам нашим.

И ныне, праздника.

Славословие великое. По трисвятом тропарь святого. Слава, и ныне, праздника. Ектении, и отпуст. И дается святыи елей братии от кандила святого: и час 1-й. На 1-мъ часе тропарь праздника, Слава, святого: И ныне, бгородичен часов. По трисвятом, кондаки праздника, и святого, глаголем прменяюще.

Стихиры на помазании, глас 2: Подобен: Егда от древа:

Вся, яже в житии, презрев,/ точно единаго Владыки любви душу привел еси,/ великий Георгїе, светильниче всемирный,/ и к безмерным мукам отлучился еси мужески,/ победы красен венец приял еси./ Темже молим ты, блаженне, // моли от бед всем избавитися, поющим ты.

Скорби и лютыя печали,/ жития треволнения и бури ныне мя обуревают,/ возмущением злых страстей одержим есмь./ Заступниче мой великий, блаженне Георгїе,/ представ, помози ми присно покровом твоим,/ верою прибегающему ти,/ яко да радостию сердца, мучениче, // ублажаю ты, спасаемь.

Слава, глас 4:

Приидите, верных собори,/ приидите, праздник составим,/ ибо пресветлая память днесь явися страсотерпца Георгия/ наша просвещает невидимо сердца,/ добродетельми блистающи./ Темже, единомудренно воспевающе, рцем:/ радуйся, воине великаго Царя Христа;/ радуйся, пресветлая похвало веры;/ радуйся, всесветле и пребогате./ О нас, преблаженне, всех Владыку, Христа Бога моли,/ сохраненным быти от искушений лукаваго // и спасти души наша.

На литургии:

Блженна, праздника песнь рядовая, и от канона святого, песнь 3.

Тропарь, глас 4:

Яко пленных свободитель/ и нищих защититель,/ немощствующим
врач,/ православных поборниче,/ победоносче, великомучениче
Георгие,/ моли Христа Бога// спастися душам нашим.

ин тропарь, глас 4:

Подвигом добрым подвизался еси, страстотерпче Христов,/ верою
и мучителей обличил еси нечестие,/ жертва же благоприятна Богу
принеслася еси./ Темже и венец приял еси победы// и молитвами,
святые, твоими всем подаеши прегрешений прощение.

Кондак, глас 4:

Возделан от Бога,/ показался еси благочестия делатель
честнейший,/ добродетелей рукояти собрав себе:/ сев бо в слезах,
веселием жнешь,/ страдальчествовав же кровию,/ Христа приял
еси// и молитвами, святые, твоими всем подаеши прегрешений
прощение.

**Прокимен праздника и стаго, глас 7: Возвеселится првник о Господе, и
уповает на него.**

Стих: Услыши, Боже, глас мой, вегда молити ми ся к Тебе.

Апостол дне, и святого, деяния, зачало 29.

**Аллилуия дне, и святого, глас 4: Праведник яко финих процветет: Стих:
Насаждени в дому Господни, во дворех Бога нашего процветут. Евангелие
дне, и святого Иоанна, зачало 82.**

Причастен праздника, и святого: В память вечную будет праведник:

На трапезе утешение братии.